

6. gr.

Efirlit og mat á árangri tilraunar.

Vinnumiðlun Hafnarfjarðar heldur saman upplýsingum um framkvæmd samþykktar þessarar. Vinnumálaskrifstofa félagsmálaráðuneytisins fylgist með framkvæmd samþykktarinnar. Vinnumiðlun Hafnarfjarðar mun senda Vinnumálaskrifstofu ársfjórðungslega greinargerð þar að lútandi sem Vinnumálaskrifstofa mun kynna fyrir stjórn Atvinnuleysistryggingasjóðs og ráðgjafarnefnd Vinnumálaskrifstofu. Í lok tilraunatímabils munu fulltrúar félagsmálaráðuneytisins og bæjarstjórnar Hafnarfjarðarkaupstaðar meta í sameiningu árangur tilraunar. Úttektaraðili skv. 6. gr. laga um reynslusveitarfélög mun einnig fylgjast með framkvæmd tilraunar og meta í lok tilraunatímabils hvernig til hefur tekist.

Ofangreind samþykkt sem gerð er af bæjarstjórn Hafnarfjarðarkaupstaðar skv. 1. mgr. 7. gr. laga nr. 82/1994 um reynslusveitarfélög og felur í sér frávik frá 8. og 20. gr. laga nr. 93/1993 um atvinnuleysistryggingar, staðfestist hér með samkvæmt heimild í 2. mgr. 7. gr., sbr. og 12. gr. laga nr. 82/1994 um reynslusveitarfélög, til þess að öðlast gildi 1. apríl 1997 og gildir til og með 31. desember 1999.

Félagsmálaráðuneytinu, 6. febrúar 1997.

Páll Pétursson.

Elín Blöndal.

Nr. 121

5. febrúar 1997

SAMÞYKKT

**um breytingu á samþykkt um stjórn og fundarsköp
Þórshafnarhrepps nr. 486/1994.**

1. gr.

2. málslíður 1. mgr. 12. gr. samþykktarinnar orðast svo: Hreppsnefnd ákveður fundarstað og fundartíma.

2. gr.

Við samþykktina bætist ný grein, er verður 18. gr., og breytast númer greina þar á eftir sem því nemur. Ný 18. gr. orðast svo:

Þrátt fyrir ákvæði 16. og 17. gr. er heimilt að boða hreppsnefndarfund munnlega og með skemmri fyrirvara, komi upp mál sem krefjast skjótrar úrlausnar eða umfjöllunar hreppsnefndar, enda mæli enginn hreppsnefndarmanna gegn því við upphaf fundar, sem þannig er boðað til.

3. gr.

B-liður 56. gr. samþykktarinnar, er verður 57. gr., orðast svo:

1. *Fulltrúa á landsþing Sambands íslenskra sveitarfélaga.* Einn aðalmaður og annar til vara skv. 4. gr. laga Sambands ísl. sveitarfélaga.
2. *Fulltrúa á aðalfund Eyþings.* Tveir aðalmenn og jafnmargir til vara skv. gr. 4.1. í lögum Eyþings - sambands sveitarfélaga í Eyjafirði og Þingeyjarsýslum.
3. *Fulltrúa í héraðsnefnd Þingeyinga.* Einn aðalmaður og annar til vara skv. 6. gr. samþykktá héraðsnefndar Þingeyinga.

4. *Almannavarnarnefnd.* Tveir aðalmenn og jafnmargir til vara skv. 8. gr. laga um almannavarnir nr. 94/1962, sbr. 5. gr. laga nr. 85/1985. Svalbarðshreppur tilnefni einn fulltrúa og þá sitja í nefndinni slökkviliðsstjóri, heilsugæslulæknir, lögregluvarðstjóri og byggingarfulltrúi, eða staðgengill hans.
5. *Byggingarnefnd.* Fimm aðalmenn og jafnmargir til vara skv. 6. gr. byggingarlaga nr. 54/1978. Nefndin gegni jafnframt störfum skipulagsnefndar skv. skipulagsreglugerð nr. 318/1985 og umferðarnefndar skv. heimild í 2. mgr. 116. gr. umferðarlaga nr. 50/1987.
6. *Félagsmálaráð.* Fimm aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991. Félagsmálaráð starfar skv. 11. gr. laga nr. 40/1991 og fer einnig með verkefni áfengisvarnarnefndar skv. lögum nr. 82/1969, sbr. 50. gr. laga nr. 40/1991.
7. *Hafnarstjórn.* Þrjú aðalmenn og jafnmargir til vara skv. 9. gr. hafnalaga nr. 23/1994, sbr. 2. gr. hafnarreglugerðar fyrir Þórshafnarhöfn nr. 306/1986.
8. *Húsnæðisnefnd.* Þrjú aðalmenn og jafnmargir til vara skv. 39. gr. laga um Húsnæðisstofnun ríkisins nr. 97/1993. Nefndin fer jafnframt með húsaleigumál skv. húsaleigulögum nr. 36/1994. Verkalýðsfélag Þórshafnar tilnefni tvo fulltrúa í nefndina.
9. *Skólamálaráð.* Fjórir aðalmenn og jafnmargir til vara skv. 3. gr. erindisbréfs fyrir Skólamálaráð Þórshafnarhrepps. Svalbarðshreppur kýs einn fulltrúa og annan til vara. Ráðið fer með málefni skólanefndar grunnskólans á Þórshöfn, sbr. 11. og 12. gr. laga um grunnskóla nr. 66/1995, verkefni skólanefndar tónlistarskólans á Þórshöfn, sbr. 2. gr. laga um fjárhagslegan stuðning við tónlistarskóla nr. 75/1985, og verkefni skólanefndar leikskóla, sbr. 9. gr. laga um leikskóla nr. 78/1994.
10. *Bókasafnsnefnd.* Þrjú aðalmenn og jafnmargir til vara sbr. 7. gr. laga um almenningsbókasöfn nr. 50/1976.
11. *Stjórn heilsugæslustöðvanna í Norður-Þingeyjarsýslu.* Einn aðalmaður í samráði við hreppsnefnd Svalbarðshrepps, sbr. 2. gr. samnings um sameiginlega stjórn og rekstur heilsugæslustöðvanna á Kópaskeri, Raufarhöfn og Þórshöfn, sbr. einnig skv. 21. gr. laga um heilbrigðisþjónustu nr. 97/1990.
12. *Landbúnaðarnefnd.* Fimm aðalmenn og jafnmargir til vara skv. erindisbréfi fyrir landbúnaðarnefnd Þórshafnarhrepps. Nefndin fer með málefni fjallskila- og riðunefndar skv. lögum um afréttarmálefni, fjallskil o.fl. nr. 6/1986 og reglugerð um varnir gegn útbreiðslu riðuveiki og bætur vegna niðurskurðar nr. 399/1993, sbr. einnig fjallskilasamþykkt fyrir Norður-Þingeyjarsýslu austan Jökulsár nr. 170/1996, ásamt fleiri verkefnum á sviði landbúnaðarmála skv. erindisbréfi.
13. *Heilbrigðisnefnd.* Tveir aðalmenn og jafnmargir til vara skv. 6. gr. laga um hollustuhætti og heilbrigðiseftirlit nr. 81/1988. Svalbarðshreppur skipar einn mann í nefndina.
14. *Umhverfisnefnd.* Fimm aðalmenn og jafnmargir til vara. Nefndin vinnur að almennum umhverfismálum og umhverfisvernd í sveitarfélaginu skv. sérstöku erindisbréfi hreppsnefndar.
15. *Íþrótt- og tómstundaráð.* Fjórir aðalmenn og jafnmargir til vara skv. 13. gr. samstarfs- samnings Þórshafnar- og Svalbarðshrepps. Hreppsnefnd Svalbarðshrepps kýs einn og annan til vara. Ráðið fer með yfirstjórn málaflöksins í umboði sveitarstjórnar, þ.m.t. umsjón með þeim mannvirkjum sem honum tilheyra skv. sérstöku erindisbréfi hreppsnefndar.
16. *Búffjäreftirlitsmaður.* Einn og annar til vara skv. 9. gr. laga um búfjárhald nr. 46/1991.

4. gr.

Við samþykktina bætist svohljóðandi ákvæði til bráðabirgða:

Kosningu í nefndir vegna breytinga á ákvæðum 56. gr. skal lokið fyrir 1. mars 1997.

Samþykkt þessi, sem hreppsnefnd Þórshafnarhrepps hefur sett samkvæmt ákvæðum 3. mgr. 7. gr. og 49. gr. sveitarstjórnarlaga nr. 8/1986, staðfestist hér með til að öðlast þegar gildi.

Félagsmálaráðuneytinu, 5. febrúar 1997.

F. h. r.

Húnbogi Þorsteinsson.

Sesselja Árnadóttir.

REGLUGERÐ

um Umhverfisstofnun Háskóla Íslands.

1. gr.

Umhverfisstofnun Háskóla Íslands er rannsóknar- og fræðslustofnun á sviði umhverfismála og lýtur yfirstjórn háskólaráðs.

2. gr.

Markmið Umhverfisstofnunar er:

- a. Að efla og samhæfa rannsóknir í umhverfisfræðum við Háskóla Íslands.
- b. Að stuðla að samstarfi við innlenda og erlenda rannsóknaraðila á sviði umhverfismála, m.a. með þátttöku í umhverfisvöktun.
- d. Að gefa út fræðirit og kynna niðurstöður rannsókna í umhverfisfræðum.
- e. Að veita upplýsingar og ráðgjöf í umhverfismálum.
- f. Að styðja kennslu til meistaraþrófs í umhverfisfræðum.
- g. Að gangast fyrir námskeiðum, ráðstefnum og fyrirlestrum í umhverfisfræðum.

3. gr.

Háskólaráð skipar fimm menn í stjórn stofnunarinnar og fimm til vara til þriggja ára í senn. Umhverfisráðuneytið tilnefnir einn fulltrúa og einn til vara. Stjórnin skal að öðru leyti vera þannig skipuð að engin ein deild háskólans eigi þar fleiri en einn fulltrúa. Háskólaráð skipar forstöðumann stofnunarinnar til þriggja ára í senn, að fengnum tillögum stjórnar, og setur forstöðumanni erindisbréf.

4. gr.

Stjórnin kýs úr sínum hópi formann og varaformann. Formaður boðar stjórnarfundi. Falli atkvæði jöfn á stjórnarfundi ræður atkvæði formanns. Stjórnin ákveður m.a. rannsóknarstefnu stofnunarinnar og veitir fé til einstakra rannsóknarverkefna.

5. gr.

Forstöðumaður stofnunarinnar hefur umsjón með daglegum rekstri hennar. Jafnframt annast hann áætlanagerð, hefur yfirumsjón með fjáröflun og samræmir fjáröflunarleiðir. Forstöðumaður er í starfi sínu ábyrgur gagnvart stjórn. Hann situr stjórnarfundi með tillögu-rétt en án atkvæðisréttar.